

PLEIV TUJETSCH



Rapport annual 1990/91

I N V I T A Z I U N

alla radunonza generala dalla pleiv da Tujetsch gliendisdis,
ils 15 d'avrel 1991 allas 20.15 uras en sala pintga en casa
da scola a Sedrun.

T R A C T A N D A S :

Avertura e beinvegni

1. Elecziun da dus dumbravuschs
2. Protocol dalla davosa radunonza generala
dils 12-6-1990.
3. Rapport dil president
4. Rapport dalla presidenta dil Cussegl pastoral
5. Rapport da quen, dils revisurs ed
approbaziun dil quen 90/91
6. Orientaziun e damonda da credit per la
sanaziun dalla casa pervenda veglia a
Sedrun.
7. Fixar pei da taglia e midada dil regulativ
da taglia dalla pleiv.
8. Preventiv 1991 / 92
9. Approbaziun dils novs statuts dil Cussegl
pastoral
10. Varia

A stedia
participaziun envida

per la suprastonza dalla pleiv Tujetsch

il pres.: Tarcisi Hendry
il vicepres.: Silvio Schmid

M E S S A D I

Cuort messadi tier tractandas 6 e 7

Tractanda 6 : Renovaziun veglia casa pervenda a Sedrun

La casa pervenda a Sedrun ei vegnida eregida igl onn 1950. Dapi lu ha ella surviu sco casa pervenda al plevon da Sedrun entochen 1964. Naven da lu eis ella vegnida affittada a differentas famiglias indigenas.

Enteifer quels 40 onns ei vegniu midau il tetg en eternit, entginas combras ein vegnidas tablegiadas da niev e la cuschina ei vegnida renovada.

La casa ei ordvart semantenida ei denton fetg freida, ei a sias uras gie vegniu isolau nuot. Il pli necessari ei igl isolar l'entira casa e midar tuttas finiastras. Plinavon ston quei mument tuttas installaziuns electricas vegnir remplazzadas e modernisadas.

Quellas lavurs cuostan tenor calculaziun 85 000.-- francs.

Tractanda 7 : Fixar pei da taglia e midada digl artechel 3 dil reglament da taglia dalla pleiv

La taglia da cultus vegn enconuschentamein incassada entras ina taxa persunala da 40.-- per persuna e 9% dalla taglia cantunala. Cun 1991 ha il cantun reduciu lur taglia per 5%. Aschia sto la pleiv da Tujetsch quintar per 1991/92 cun ina reducziun d'entradas ord la taglia da ca. 12000.- francs.

Quella reducziun ei struschamein da supportar, ein era las expensas carschidas tier la pleiv, e quei principalmein tier las pagas. Da l'autra vart vegnan adina novas expensas vitier ed il manteniment dallas casas ei medemamein grevionts.

Sco sura menziunau vegn la taglia quintada dalla taglia cantunala. Da niev vegn la taglia da vischnaunca quintada dalla taglia semplia dil cantun, pia da 100%. La canzlia communal ha exprimiu il giavisch dad era quintar dad ussa naven la taglia da cultus dalla taglia semplia. Quei pretenda ina midada dil regulativ da taglia, artechel 3.

Nossa proposta: Alzar il pei da taglia da 9% sin 10% e quintar dalla taglia semplia. Entras quella midada dat ei negina carschen dallas entradas per la pleiv, pia mo ina adattaziun. Tochen ussa vegneva quintau 9% da 110% dalla taglia canunala, niev 10% da 100% dalla taglia semplia. Il singul paga pia taglia da cultus sco tochen ussa.

Midada digl artechel 3 : Strihar "taglia cantunala" e remplazzar cun "taglia semplia".

Protocol
dalla
radunonza generala dils 12 da zercladur 1990
ell'aula dalla casa da scola Sedrun

Allas uras fixadas arva il president Tarcisi Hendry la radunonza fagend als 23 presents in cordial beinvegni. Specialmein beneventa el nies plevon sur Alexi Manetsch sco era ils representants dallas autoritads communalas sgr. genau Conrad Berther e sgr. genau Serafin Cavegn. Schau perstgisar han: sur Pius Venzin, pres. communal G. Beer, C. Berther, V. Giossi, P. Cavegn, M. Soliva, M. Munsch, G. Giger B. Berther e H. Maissen.

- Tractandas:
1. Elecziun da dus dumbravuschs
 2. Protocol dalla davosa radunonza genarala dils 5-6-89.
 3. Rapport dil president
 4. Rapport dil president dil Cussegl pastoral
 5. Rapport da quen, dils revisurs ed approbaziun dil quen 1989/90
 6. Orientaziun e damonda da credit per la renovaziun dalla caplutta da Zarcuns.
 7. Preventiv 1990/91
 8. Elecziuns pil Cussegl pastoral
 9. Varia

1. Sco dumbravuschs vegnan proponi ed elegi Mudest Venzin e Lucia Giossi.

2. Il protocol ei staus publicaus el rapport annual. Demai ch'ei dat neginas objecziuns vegn el approbaus cun engraziament.

3. Il rapport dil president ei medemamein staus publicaus el rapport annual. Denton fa il president aunc ina cuorta resumaziun:

Igl onn 1989 ei staus in onn da grondas midadas sil palancau europeic. Las tiaras digl ost han rut ils mirs e seivs da fier. Il pievel ei serebalzaus ed encuretq dapli democrazia e libertad. Era la baselgia ha promoviu quella revolaziun migeivla.

Egl uestgiu da Cuera vegn il mument plitost baghegiu mirs. Quei defar dil davos temps pertuccont l'elecziun dil niev uestg dat a nus da patertgar. Lein sperar ch'il temps possi quietar e mussar la vera via cristiana.

En nosa pleiv ein succedidas igl onn vargau impurtontas midadas tiel personal. Igl october ha sur Giusep Cathomas bandunau la pleiv. Nus havein denton giu cletg da puspei survegnir in niev plevon a Sedrun. Sur Alexi Manetsch ei vegnius installaus ils 5 da november entras il decan e

canoni sur Tumaisch Berther. A sur Alexi giavischein nus ina emperneivla pastoraziun, buna sanadad e la benedicziun da Diu.

Cordial engraziament s'auda era a scolast Leci Jacomet che ha suenter 40 onns abdicau sco organist da s.Vigeli.

Dapi la davosa radunonza da pleiv han 13 vischinas ni vischins da nossa val priu cumiau da nus per adina. En in cuort memento seregurdein nus da nos defuncts.

Il president admetta in sincer Dieus paghi a nos dus plevons sur Alexi e sur Pius. Els portan in grev buordi da responsablada e nus giavischein ad els vinavon curascha, buna sanadad ed igl agid dil Tutpussent.

Engraziament era allas autoritads communalas ed a tuts parochians che sustegnan nossa pleiv.

4. Rapport dil president dil Cussegl pastoral. Medemamein ei era quei rapport publicaus el rapport annual. Quel muossa ora ina fetg gronda activitad. Engraziament a sgr. Rudolf Giossi sco era a tuts commembers dil Cussegl pastoral per quella buna lavur per ina sauna pastoraziun en la pleiv.

Sgr. Rudolf Giossi engrazia als augsegners che segidan adina cul Cussegl pastoral ed a l'entira suprastonza da pleiv. El engrazia era als commembers dil cussegl che han abdicau. Sch'ei dat en baselgia novaziuns, recamonda el per capientscha.

5. Quen annual. Il quen 1989/90 vesa schiluscha ora bein. Mintgin ha saviu studegiar el el rapport annual. Il president dat la pusseivladad als presents da far damondas al cassier. Denton fa negin damondas ni objecziuns. Revisur Robert Schmid declara ch'els hagian controllau il quen ed anflau tut en uorden. Cun in grond engraziament al cassier Bruno Berther per sia gronda lavur recamonda el da dar scarica al cassier ed approbar il quen. Cun tscharna unanima vegn il quen approbaus.

6. Damonda da credit per la renovaziun dalla caplutta da Nossadunna a Zarcuns.

Il president dat in cuort sclariment davart il curriu e passau dapi la davosa radunonza. La cumissiun ei sentupada pliras gadas e consultau sgr. dr. Rutishauser digl Uffeci da monuments sco era cun restauratur Joos ed igl architect T. Soliva.

Previu: - clutger e tetg da slondas larischa
- Fassadas, color da niev
- nova plazza avon caplutta
- retaurar picturas (ornaments)

Gerau C. Berther fa la damonda schebein nus hagian la lubientscha dalla segirada da fiug per far il tetg da slondas. Il president sa orientar che quella lubientscha seigi gia avon maun.

Finanziaziun: Ils cuosts totals muntan a fr. 245 000.--. Nus fagein la damonda da star buns pil credit da fr. 245 000.--. Cun tscherna unanima vegn quei credit concedius.

7.Preventiv. Demai ch'ei dat neginas damondas vegn il preventiv 1990/91 approbaus.

8.Elecziuns pil Cussegl pastoral.

Il president engrazia a quels che han abdicau per lur grond engaschi per la pastoraziun dalla pleiv Tujetsch.

Las differentas uniuns che han lur representants el Cussegl pastoral han fatg las nominaziuns. Aschia vegnan proponi:

Pleiv Rueras:	Giossi Rudolf
Giuventetgna Rueras:	Ervin Monn
Scolasts :	Judith Hendry
Cussegl da scola:	Imelda Monn
Uniun da cura:	Hilda Maissen
Uniun da dunnas:	Barla Berther Ursula Deplazes

Pleiv Sedrun :	Marcus Munsch
Giuventetgna Sedrun:	Riccarda Soler

Ils novs candidats pil cussegl vegnan elegi unanimamein.

9.Varia

Per la baselgia da Selva havein giu l'unica caschun d'acquistar ina nova orgla, demai che la veglia cuntentava buca pli. Anetgamein havein giu la pusseivladad da cumprar l'orgla da Flem. Quella orgla ha 10 onns e cuosta fr. 35000.--. Sil cussegl da differentes organists havein nus cumprau ella. Ils 15 da fenadur ei previu l'inauguraziun cun ina pintga fiasta.

Gerau S.Cavegn fa entginas objecziuns: mussar al pievel las novas canzuns ord igl Alleluja, metter en baselgia in carnet mo cun text dallas canzuns pils jasters, il tuchiez dalla damaun marvegl seigi in disturbi pils jasters. Ins duessi calar da tuccar da stizzar. Era il tuccar all'entschatta dallas processions seigi in disturbi. Ils affons da scola disturbien duront las sepulturas. Igl augsegner duessi s'annunziar al telefon cun Uffeci parochial.

Suenter quellas objecziuns dat ei empau discussiun partenent il tuchiez dalla damaun marvegl. Sgr. gerau C.Berther manegia da mantener il tuccar da stizzar e buca metter giu tut pervia dils jasters. El vegn sustenius da quasi tuts presents.

Cun ina cordiala bunanotg concluda nies president la radunonza da pleiv.

Sedrun, ils 14 da zercladur 1990

dalla suprastonza dalla pleiv da Tujetsch per igl onn 1990/91.

Preziadas parochianas,
preziai parochians,

Igl onn ha fatg spert - tuttavia cu ins ha da mirar anavos e far revista. Per la pleiv ei segir lubiu da dir ch'igl onn seigi staus ordvart ordinaris. Problems e caussas usitadas han fatschentau parochians e suprastonza. Da patertgar dattan daveras diversas extradadas dalla baselgia, era en nossa pleiv.

Bugen vulein nus ussa enumerar ils pli impurtonts eveniments succedi en nossa pleiv. Ch' il Tutpussent ha pertgirau nossa cuminsonza da grondas disgrazias; persunter lein nus esser engrazieivels.

MIDADAS TIEL PERSONAL

Cussegl pastoral

En ina gronda cuminsonza da conlucreras e conlucrers dat ei pli u meins mintg'onn da notificar midadas. Uonn ha ei dau grondas midadas tiel Cussegl pastoral. Da quendis commembers/ras han nov bandunau quella gruppa che sempatscha ed ha quitau per ina fritgeivla pastoraziun en nossa pleiv. Quels ein : Cavegn Benno, Sedrun; Cavegn Nesa, Sedrun; Giger Ottilia, Sedrun; Giossi Giuseppa, Rueras; Loretz Ludivina, Sedrun; Monn Isidor, Sedrun; Schmet Giuseppa, Sedrun; Schmid Franz, Gonda e Schmid Ignazi, Dieni.

Ad els tuts ensemen seigi engraziu en num dalla pleiv per lur engaschi en favur dalla pastoraziun, per lur fritgeivla e prospereivla lavur.

Da surprender responsablada per la cuminsonza e gidar a sligiar problems pastorals ein ils suandonts stai prompts: Barla Berther, Rueras; Rita Berther, Rueras; Deplazes Ursula, Sedrun; Maissen Hilda, Sedrun; Monn Imelda, Rueras; Munsch Marcus, Sedrun; Soler Riccarda, Bugnei; Soliva Marcel, Sedrun e Stiefenhofer Nicole, Sedrun.

Ad els giavischein nus plascher e perseveronza en lur niev uffeci.

Catechesa

Il pensum da ductrina da sur Alexi ei gronds. Empauev havein saviu levgiar ad el quella lavur. Dunna Daniela Cavegn-Pally, Camischolas ha surpriu l'instrucziun da religiun per l'emprema classa a Sedrun. Da cor engrazien nus ad ella e giavischein bia plascher.

ACTIVITADS

Il menaschi dalla pleiv ei pulitamein vasts emultifars. Aschia vegn ins cunfrontai culs pli divers problems. En 6 sedutas ha la suprastonza da pleiv encuretq sligiazions, tractau e liquidau las diversas fatschentas.

Baselgias e capluttas

Baselgias e capluttas vegnan administradas dils ugaus. A caschun dalla rendaziun havein nus saviu constatar il quitau ed engaschi ch'els tuts unfreschan pil beinstar da lur edifeci. Ad els seigi engraziu cordialmein. Midadas pli grondas ha ei dau en las suandontas capluttas:

Caplutta da Nossadunna a Zarcuns

A caschun dalla davosa radunonza da pleiv ha il suveran concediu il credit necessari per la restauraziun dalla caplutta a Zarcuns. L'entschatta dalla lavur, ch'era previda calonda fenadur, ei vegnida retenida entras las autoritads cantunalas. Vid miez uost havein lu tuttina saviu entscheiver cun la restauraziun. Suenter l'allontanaziun dalla annexa han ins scochemai saviu entscheiver cun il tetg. Las difficultads e problems han secapescha buca muncau. Aschia ha ei dau retenidas ed igl unviern ha frenau a bun'ura la restauraziun.

La restauraziun cuntinuescha e sin primavera vegn tut ad esser finiu. Lein vinavon sperar sigl agid e la protecziun da Nossadunna.

En quest liug s'auda d'engraziar a tuts quels ch'ei s'engaschai per ina andanta restauraziun dalla caplutta. Biars ein exprimi positivamein viers la restauraziun a Zarcuns. Quei fa plascher e nus lein cuntinuar e procurar per ina buna reussida dalla restauraziun. Engraziament meretta la cumissiun che ha buca adina giu in lev pensum ed ein vegni cunfrontai surura cun diltut difficultads e malemperneivladads. Engraziament tut special meretta era nies architect Testa Soliva. El cun sia experienza ei adina staus da bien cussegl e levgiu a nus nossa lavur.

Senza buns donaturs fuss ina tala restauraziun gnanc pusseivla ed ils donaturs da Nossadunna a Zarcuns ein numerus. Quei fa plascher ed oblighescha. Bugen prendein nus la caschun d'engraziar en quest liug da tut cor a tuts benefactors per lur ordvart grondius sustegn ed agid finanziel.

Baselgia da Selva, nova orgla

Suenter il barschamnet da 1949 ha Selva survegniu 1952 ina nova baselgia. All'entschatta ha in harmonium surviu sco orgla. Plitard, igl onn 1976 ei vegniu acquistau in'orgla electronica. Quella ha secapescha surviu stupent per acumpignar las funcziuns liturgicas a Selva. Denton, a liunga vesta cuntenta aschia in instrument tuttina buca ed ina orgla fa era pli biala pareta en ina baselgia.

La caschun da cumprar ina orgla ei sedada tut anetgamein. Per la summa da 35 000.-- francs havein cumprau ina orgla dalla firma A.Hauser a Kaltbrunn che ha surviu dai 1979 ella baselgia catolica da Flem.

Ils 15 da fenadur 1990 ha in grond pievel da pelegrins e vischins assistiu alla benedicziun e presentaziun dalla orgletta. Lein sperar ch'il niev instrument possi survir biars onns ad embellir las devoziuns en la baselgia da Selva.

Casas, baghetqs e beins

Nova casa pervenda a Sedrun

Rugalau escha e finiastras dall'entira casa. Entras isolar cun pendas da gumma finiastras ed escha, serrar e controllar las siaras ha ei dau empau migliur. Egl avegnir ston ins denton quintar da far dapli per il manteniment da quella casa.

Casa pervenda Rueras

Midau ora il barschader dil scaldament central. Quei ei stau necessari sin fundament dalla controlla da scaldaments, che ha buca saviu acceptar las emissiuns digl anteriur barschader.

Prau a Selva

Cul cunsentiment digl affittader dil prau a Selva, signur Toni Vigeli Deflorin, havein schau vi las duas parcelas alla societad Pro golf, priu il cass che la piazza vegni eregida.

QUEN ANNUAL

Il quen 1990/91 ei cuntenius en quei rapport. Aschia savein nus desister d'ina resumaziun. Igl ei da tener bein casa, denton tuttina tgirar quei che fa basegns. Engraziament al cassier che ha cun grond quitau e responsablada administrau las finanzas dalla pleiv. En quest liug lessel medemamein engraziar als revisurs da quen che han controllau il quen e stai da plaid e cussegl.

SGUARD EGL AVEGNIR

Ils problems e la lavur vegnan pil futur era buca a muncar. Cheu ina enumeraziun da lavurs ch'ein previdas pigl onn vegnent ni era plitard, tut tenor la costa finanziaria.

- Renovaziun dalla orgla da s. Vigeli, stad 1991.
- Renovaziun veglia casa pervenda, Sedrun
- Novas finiastras per la caplutta a Tschamut
- Colurar tetg-caplutta a Cavorgia

MEMENTO

En pietad seregurdein nus dils cars defuncts che han priu comiau da nus egl onn vargau per render quen perpeten. Il Segner detti ad els la meritada pagaglia. Els ruaussien en pasch. En special lein nus seregurdar digl anteriur president dalla pleiv, mistral Teofil Schmid che ha bandunau nus ils 18 da zercladur 1990, ella vegliadegna da 78 onns. Sco president eis el buca stuas lischents: la pleiv survegn ina nova constituziun. Per il Cussegl pastoral vegnan ils statuts elaborai e la baselgia parochiala e duas capluttas, s. Brida e s. Bistgaun vegnan restauradas. Per tonta lavur alla cuminonza da pleiv seigi engraziau. El ruaussi en pasch.

ENGRAZIAMENT

Igl εμπрем engraziament meritteis Vus tuts, preziadas vischinas e vischins tuatschins per Vies agid e sustegn.

Tut special engraziament admettein nus a nos dus plevons sur Alexi Manetsch e sur Pius Venzin. Igl engaschi ei gronds ed il buordi da responsablada buca levs. Da nos preziai augsegners vegn pretendiu bia.

Engraziament era a sur Placi Huonder en casa da vegls s. Vigeli. Sia lavur pastorala egl asil appreziein nus ordvart fetg ed engraziein da cor ad el era en num dils cussadents da s. Vigeli.

Medemamein engraziar lein nus a sur Cristian Monn ch'ei ussa secasaus a Rueras ed ei prompts inaga ni l'otra da segidar cun nos plevons.

Nossas baselgias e capluttas vegnan embellidas e tgiradas cun carezia. Allas calustras e calusters, a tuts ugaus in engraziel fetg.

Al Chor baselgia da Sedrun e Rueras cun lur dirigents, commembras e commembers, allas organistas ed organists engarziein nus per il bi cant e la musica sacrala.

Il parter ora la communiun e far lectur ei in bi survetsch per la cuminonza cristiana. A tuts quels che s'engaschan per quei pensum in sincer Dieus paghi. Nies engraziament sedrezza era alla gruppa liturgica.

In grond engraziament meretta nies Cussegl pastoral. Il rapport muossa ora lur activitad. A tuts commembers in engraziell, in tut special alla premurada presidenta Nicole Stiefenhofer.

Engraziament era allas autoritads communalas per lur segidar e per la buna collaboraziun.

Nossas fiastas ecclesiasticas vegnan pil pli embellidas entras nossas uniuns culturalas. Nus exprimim in cordial Dieus paghi alla Societad da musica, al Chor mischedau Sedrun e Rueras, alla Cumpignia da mats ed alla giuventetgna.

Era a tut quels che s'engaschan per in survetsch social a nies pievel, aschia l'Uniun da dunnas Tujetsch e l'Uniun samaritana lein nus engraziar.

Engraziament merettan secapescha era tut mes collegas dalla suprastonza. In bien cooperar en quei gremium ei ordvart impurtont. Da quella emperneivla collaboraziun hai jeu adina saviu profitar. Engraziell pia a vus tuts.

CONCLUSIUN

En in rapport annual eisi struschamein pusseivel da tangar e notificar tut ils problems che sepresentan ed occupeschan in onn ora la suprastonza da pleiv. Hagies pia capientscha sche in u l'auter eveniment ei buca nudaus en quest liug.

Il Tutpussent accumpogni, protegi e governi nus vinavon.

Gonda, calond'avrel 1991

Per la suprastonza dalla
Pleiv Tujetsch

il president: Tarcisi Hendry

RAPPORT ANNUAL DIL CUSSEGL PASTORAL

Biaras pleivs	-	Ina baselgia
Biars priedis	-	In plaid
Biars sanctuaris	-	In altar
Biars cartents	-	In pievel

Sco baselgia essan nus ensemen sin viadi e mintga carstgaun ressentia inaga ni l'otra il basegns da s'entupar en ina gronda cuminionza. La promptadad pil dialog ed il brattar ora novas ideas dueien adina puspei dar alla cuminionza impuls e motivaziun en lur engaschi. Sut quella finamira ha ils 30 da settember 1990 giu liug a Muster la sentupada dallas pleivs dalla Cadi. Ils cristians-catolics dalla Cadi ein s'entupai sur ils confins da lur pleivs ora. In eveniment tut special. Il comité d'organisaziun tgamunaus da pader Clau Lombriser OP sco coordinatur ei sedaus breigia pil beinreussir dalla scuntrada. Mo era ils mauns gidonters ord las differentas pleivs han prestau lavur indispensabla. Avonmiezdi ein ils pelegrins seradunai ella halla plurivalenta per la fiasta comunabla d'eucaristia. Il priedi festiv ei vegnius tenius sin moda entelgeivla da rev. pader Ehrenbert Kohler. Suenter la s.messa ei il Sontgissim vegnius purtaus en processiu a sontga Gada. La purschida da suentermiezdi ei stada da varia. Scadin ha giu la caschun da s'integrar en ina grupp d'interess, seigi quei en fuorma da referats, gruppas da bibla ni dad ina demonstraziun d'in film. La devoziun a s.Gada era bein preparada dalla grupp liturgica da Muster. La participaziun ei stada stedia e las diversas purschidas bein visitadas. Allas 15.30 ei il Sontgissim vegnius purtaus en processiu ella baselgia da s.Gion. Cun las viaspras festivas romontschas en collaboraziun dil chor baselgia da Dardin ei la sentupada dallas pleivs dalla Cadi vegnida concludida. Igl ei stau bi. Cordial Dieus paghi a tut quels ch'han attribuiu sin moda ni l'otra per il beingartegiau da quei di. E fors'in'otra ga puspei.....

Igl atun vargau ha il Cussegl pastoral priu la decissiu da reveder ils statuts currents che dateschan dils 4-7-78. Ina grupp da lavur ha elaborau quei regulativ che entra definitivamein en vigur cun la radunonza generala dalla pleiv.

Duront il temps d'Advent e da Cureisma ei mintgamai vegniu preparau sin giavisch da nos spirituals sur Alexi e sur Pius ina devoziun. Quella ha giu liug ellas baselgas da Rueras e Sedrun. La devoziun d'Advent ha preparau ed accumpignau nus cun sia glisch sin la vegnida dil Tutpussent. La meditaziun dalla Cureisma sut il motto "via carpusa" ha dau impuls a ponderaziun ed engraziament. Ils resuns ein stai buns ed han schau sentir ina fom religiosa. Ch'igl engaschi ella vegna dil Segner porti bien fretg. A tuts gidonters in cordial engraziament.

Biars carstgauns sesessan bugen tier paun ed aua. Nus savein impedir il curdar dil mund en beinstonza e pupira mo sche nus partin nossa rihezia culs fomai (ord calender da Cureisma). Nossa giuventetgna ei uonn puspei sedeclarada prompta da sustener l'unfrenda pil Tierz mund cun igl usitau di da suppa. Era ad els seigi admess in sincer engraziament.

ENGRAZIAMENT

Per la buna pastoraziun ed il premurau engaschi seigi admess a nos rev. augsegners sur Alexi e sur Pius in profund engraziament. Malgrad las turbulenzas ella diocesa da Cuera dueien nos plevons astgar quintar vinavon cul sustegn dalla vart dalla pleiv da Tujetsch.

Engrazieivla e fetg interessanta ei la collaboraziun enteifer il Cussegl pastoral. Oravontut mia consuprastonza che segida cun plaid e cussegl, mo era ils ulteriurs commembers dueien retscheiver mia sincera engrazievladad.

A tut quels che adempleschan lur pensum el survetsch al Segner ed al concarstgaun vegli Dieus render la meriteivla pagaglia.

Sedrun, mars 1991

En num dil Cussegl pastoral
la presidenta:

Nicole Stiefenhofer

Entradas:

Tscheins casas		15 540.--
Cassa da cumpensaziun, cassa da pesiun e segirada da malsogna		8 300.--
Segirada d'accidents ord survetsch		1 300.--
Tscheins quen current		250.--
Tscheins prau		2 190.--
Tscheins da fondos e carnets		2 900.--
Tscheins parcadi e plazza da sport		13 860.--
Tscheins tschaler da schurmetg		2 400.--
Contribuziun caluster		1 500.--
Contribuziun ductrina		6 000.--
Restituziun taglia anticipada		1 000.--
Tscheins terren utilisau		3 000.--
Taglia 1990		160 000.--

Expensas

Pagas	130 000.--	
Tscheins e spesas quen current	300.--	
Manteniment da baghetgs	20 000.--	
Cassa da cumpensaziun, pensiun e segirada da malsogna	23 000.--	
Biro, francaturas, stampats	5 000.--	
Gentar per survients dalla pleiv	2 000.--	
Spesas	1 500.--	
Ieli, electricitad, aua	5 000.--	
Contribuziuns	3 000.--	
Hipoteca	4 600.--	
Daner da sesiuns e paga suprastonza	3 700.--	
Canalisaziun, serenera	2 200.--	
Segiradas	5 000.--	
Auto e garascha	5 400.--	
Uorden per dar ductrina	700.--	
Agids pastorals	2 000.--	
Rest. taglia a luvriers jasters	1 500.--	
Taglia	1 200.--	
Incasso taglia	3 000.--	
Diversas	1 500.--	
	220 600.--	218 240.--

- 2 360.--

220 600.-- 220 600.--

Q U E N da cult per igl onn 1990/91

Quen da menaschi:

Entradas:

Tscheins casas	16 140.--
Cassa da cumpensaziun, cassa da pesiun e segirada da malsogna	8 019.50
Segirada d'accidents ord survetsch	1 247.90
Tscheins quen current	214.10
Tscheins prau e terren utilisau	5 330.--
Tscheins da fondos e carnets	2 838.90
Tscheins parcadi e plazza da sport	14 194.--
Tscheins tschaler da schurmetg	2 400.--
Contribuziun caluster	1 500.--
Contribuziun ductrina	6 000.--
Restituziun taglia anticipada	629.70
Taglia 1990	203 036.70

Expensas:

Pagas	126 774.40	
Tscheins e spesas quen current	165.65	
Manteniment da baghetgs e vias	9 452.85	
Reserva per manteniment casas	50 000.--	
Cassa da cumpensaziun e pensiun, segirada da malsogna	23 937.10	
Biro, francaturas, stampats, portis	4 832.05	
Spesas e gentar survients dalla pleiv	6 027.--	
Ieli, electricitad, aua	7 069.85	
Contribuziuns	3 900.--	
Hipoteca	4 660.--	
Daner da sesiuns e paga suprastonza	3 210.--	
Canalisaziun, serenera, megliuraziun	1 827.45	
Segiradas	6 167.75	
Material da ductrina	621.45	
Auto e garascha	1 839.60	
Agids pastorals	2 074.20	
Taglia	1 107.40	
Incasso taglia	3 392.30	
	257 129.05	261 550.80
	+ 4 421.75	
	261 550.80	261 550.80

B I L A N Z A per ils 28 da fevrer 1991

A C T I V A :

Cassa	15.68
Conto current GKB Sedrun	10 004.40
Conto current Raiffeisen	77 106.85
Casas	65 103.40
Dabien taglia	115 977.45
Praus	1.--

P A S S I V A :

Deivet hipotecar	65 103.40	
Imprest caplania Selva	6 963.35	
Imprest pervenda Rueras	11 093.35	
Reserva manteniment da baghetgs	80 000.--	
		<hr/>
	163 160.10	268 208.78
	105 048.68	
	<hr/>	<hr/>
	268 208.78	268 208.78
		<hr/>

C U M P A R E G L I A Z I U N :

Surpli activa 1990	100 626.93
Surpli activa 1991	105 048.68
	<hr/>
	4 421.75
	<hr/>

	OBLI.	CAR.SPAR.	IMPRESTS
<u>Pervenda e caplania Sedrun</u>			
Tier banca cantunala	33 000.--	10 254.40	
Tier banca Raiffeisen	19 000.--	4 333.08	
	<u>52 000.--</u>	<u>14 587.48</u>	

Pervenda Rueras

Tier banca Raiffeisen	7 000.--	1 065.90	
Dabien dalla pleiv			11 093.30
	<u>7 000.--</u>	<u>1 065.90</u>	<u>11 093.30</u>

Caplania Selva

Tier banca cantunala	7 000.--		
Tier banca Raiffeisen	5 000.--	1 365.15	
Dabien dalla pleiv			6 963.35
	<u>12 000.--</u>	<u>1 365.15</u>	<u>6 963.35</u>

Rueras, 28-2-91

il cassier: Bruno Berther

Sedrun: Baselgia s. Vigeli ugau: Leci Jacomet
 Capitals baselgia s.Vigeli frs. 19 028.15
 Deivet frs. 117 485.70

Sedrun: fondos da messa administratur: Leci Jacomet
 Messas fundadas s. Vigeli frs. 161 877.60
 Messas fundadas caplania frs. 21 765.30

Rueras: Baselgia s. Giachen ugau: G.Giachen Monn
 Fondo baselgia frs. 8 774.05
 Conto da baghegiar frs. 25 001.30

Rueras: fondo da messas administratur: G.Giachen Monn
 Messas fundadas s. Giachen frs. 101 755.30

Selva: Baselgia s.Gion e s.Paul ugau: Stiafen Venzin
 Facultad frs. 33 122.95

Selva: fondos da messas administratur: Stiafen Venzin
 Messas fundadas frs. 30 515.30

Giuv: Caplutta s. Bistgaun ugau: G.Giachen Monn
 Facultad frs. 15 284.15

Caplutta s. Brida ugau: Stiafen Venzin
 Facultad frs. 8 351.55

Bugnei: Caplutta s. Giusep ugau: Adalbert Decurtins
 Facultad frs. 26 283.65

Camischolas: Caplutta s. Onna ugau: Venanzi Cavegn
 Facultad frs. 13 008.50

Surrein: Caplutta s.Antoni ugau: Valentin Hendry
 Facultad frs. 27 925.35

Cavorgia: Caplutta s.Leci ugau: Vigeli Schmid, Gonda
 Facultad frs. 12 175.70

Zarcuns: Caplutta da Nossadunna ugau: VigeliSchmid
 Facultad frs. 17 066.20

Tschamut: Caplutta s. Clau ugau: Beat Muller
 Facultad frs. 5 939.75
 Conto da renovaziun frs. 9 829.15

R A P P O R T D I L S R E V I S U R S D A Q U E N

Sut datum dils 14-3-91 han ils suttascrets revisurs repassau il quen e la bilanza per 1990/91 dalla pleiv da Tujetsch.

Nus havein controllau entradas ed expensas, la bilanza sco era la facultad ed ils tetels da valeta.

Per las expensas ein tuttas quittanzas avon maun. Ellas ein vegnidas controlladas miniziusamein. Tier tuttas damondas leutier ha nies zun premurau cassier saviu dar sclariment.

Il quen ei menaus gests ed entelgeivels ed ei s'auda in grond engraziament per il stupent siaraqun a nies cassier.

Sin fundament dallas controllas fatgas, proponin nus alla hodierna radunonza da pleiv:

- a) d'approbar il siaraqun e la bilanza dalla pleiv per igl onn 1990/91,
- b) da dar scarica alla suprastonza e funcziunaris,
- c) d'admetter in cauld engraziament a nossa suprastonza, sco era a tuts funcziunaris dalla pleiv da Tujetsch. Quei engraziament auda era a nos reveri augsegners ed a tut tgi che ha luvrau per il beinstar da nossa pleiv.

Sedrun, 14-3-91

Ils revisurs:

Schmid Robert

Cavegn Rudolf

Entradas:

Tscheins casas	16 300.--
Cassa da cumpensaziun, cassa da pesiun e segirada da malsogna	8 200.--
Segirada d'accidents ord survetsch	1 300.--
Tscheins quen current	230.--
Tscheins prau e terren utilisau	5 300.--
Tscheins da fondos e carnets	2 900.--
Tscheins parcadi e plazza da sport	14 200.--
Tscheins tschaler da schurmetg	2 400.--
Contribuziun caluster	1 500.--
Contribuziun ductrina	6 000.--
Restituziun taglia anticipada	1 000.--
Taglia 1991	170 000.--

Expensas

Pagas	140 000.--	
Tscheins e spesas quen current	300.--	
Manteniment da baghetgs	20 000.--	
Cassa da cumpensaziun, pensiun e segirada da malsogna	25 000.--	
Biro, francaturas, stampats	5 000.--	
Spesas e gentar per survients	5 000.--	
Ieli, electricitad, aua	5 000.--	
Contribuziuns	3 000.--	
Hipoteca	4 700.--	
Daner da sesiuns e paga suprastonza	3 500.--	
Canalisaziun, serenera	2 000.--	
Segiradas	6 500.--	
Auto e garascha	1 900.--	
Uorden per dar ductrina	700.--	
Agids pastorals	1 500.--	
Contribuziun a Cussegl pastoral	1 000.--	
Rest. taglia a luvrers jasters	1 000.--	
Taglia	1 200.--	
Incasso taglia	3 500.--	
Diversa	1 500.--	
	232 300.--	229 330.--
	-	2 970.--
	232 300.--	232 300.--

U F F I C I A L S D A L L A P L E I V T U J E T S C H

Suprastonza dalla pleiv

president	Tarcisi Hendry, Sedrun/Gonda
vicepres.	Silvio Schmid, Rueras
actuara	Reginalda Degonda, Sedrun
cassier	Bruno Berther, Rueras
	Judith Hendry, Sedrun
	sur Alexi Manetsch, Sedrun (ex off.)
	sur Pius Venzin, Rueras (ex off.)

Revisurs da quen

	Rudolf Cavegn, Sedrun
	Robert Schmid, Sedrun/Gonda
suppleants	Tadeus Giossi, Rueras
	Ambrosi Soler, Bugnei

Ugaus baslegia e capluttas

Tschamut	Beat Muller, Tschamut
Selva	Stiafen Venzin, Selva
S.Brida	Stiafen Venzin, Selva
Giuv	Gion Giachen Monn, Rueras
Rueras	Gion Giachen Monn, Rueras
Zarcuns	Vigeli Schmid, Zarcuns
Camischolas	Venanzi Cavegn, Camischolas
Sedrun	Leci Jacomet, Sedrun
Bugnei	Adalbert Decurtins, Bugnei
Surrein	Valentin Hendry, Surrein
Cavorgia	Vigeli Schmid, Gonda

Organists

Selva	Stiafen Venzin, Selva
Rueras	Vincens Pally, Rueras
	Rita Berther, Rueras
Sedrun	Leci Jacomet, Sedrun
	Miriam Berther, Sedrun/Gonda
	Claudio Simonet, Curaglia
	Erica Steinacher, Muster/Turitg

Dirigents dils chors baselgia

Rueras	Hans Monn, Camischolas
Sedrun	Tarcisi Hendry, Sedrun/Gonda

Calustras

Rueras	Imelda Monn-Monn, Rueras
Sedrun	Ursula Deplazes, Sedrun

Cumissiun renovaziun caplutta da Zarcuns

Hendry Tarcisi, Sedrun
Cavegn Pius, Camischolas
Schmid Vigeli, Zarcuns

Cusseql pastoral

Nicole Stiefenhofer, Sedrun, presidenta
Judith Hendry, Sedrun, actuaara
Berther Rita, Rueras, cassiera
Rudolf Giossi, Rueras
Riccarda Soler, Sedrun
Ervin Monn, Rueras
Imelda Monn, Rueras
Hilda Maissen, Sedrun
Barla Berther-Tuor, Rueras
Ursula Deplazes, Sedrun
Marcus Munsch, Sedrun
Marcel Soliva, Sedrun
Reginalda Degonda, Sedrun
Ex officio: Manetsch sur Alexi
Venzin sur Pius

Catechesa

Sedrun Daniela Cavegn-Pally, Camischolas

Parter ora la s. communiun e lecturs/as

Rueras Blancarda Berther, Rueras/Dieni
Barla Berther, Rueras
Imelda Monn, Rueras
Cristian Venzin, Rueras
Hans Monn, Camischolas
Giuseppa Giossi, Rueras
Lisabet Berther, Rueras
Marcella Giossi, Rueras
Lucia Giossi, Rueras
Sedrun Marcel Soliva, Sedrun
Ursula Deplazes, Sedrun
Norbert Riedi, Sedrun/Gonda
Franzisca Cavegn, Sedrun
Marcus Munsch, Sedrun
Giuseppa Schmet, Sedrun
Irma Manetsch, Sedrun/Gonda
Nicole Stiefenhofer, Sedrun/Gonda
Sep Andriu Monn, Sedrun
Vigeli Schmid, Zarcuns
Marianna Monn, Sedrun
Nesa Cavegn, Sedrun
Miriam Berther, Sedrun/Gonda